



A lokisetse Morena Sechaba se phethehileng (Luka 1,17)

Tel: 28 350 466/ 62600983 (WhatsApp)

M5.00

# MOELETSI OA BASOTHO

PARARE DOMINO PLEBEM PERFECTAM



Moroalo o mong holim'a o mong

5


China e bulela Lesotho

12



# TŠUBUHLELLANO E BAKA QHOLOTSO

www.moeletsioabasotho.co.ls



Re se re fumaneha ho marangrang

Email: newsroom@moeletsioabasotho.co.ls  
Tel: +266 28350466/ Whats app: 62600983

# MOELETSI

## Bophelo bo ntse bo thatafa

Kotlo kapa kahlolo holim'a litloli tsa molao ha e ka fetoloa ea behoa maemong a ka tšabisang ba bang ho e etsa, e ka theola tšubuhlellano e bonahalang e hloa mekoalaba litsing tsa Tlhabolo ea Batšoarua. Sena se ka fihleloa joang? Ka hore feela Makhotla a fetole mokhoa oa ho fana ka likahlolo, e se hore motho o tla ea ka setsing h'a fumanoa a le molato. Ba bang ba ka fuoa kotlo ea ho sebeletsa sechaba ka ho etsa lintlafatso metseng moo ba phelang teng.

Maemo a lichankana tsa Lesotho h'a matle ho hang esita le ho basebeletsi. Basebeletsi ba LCS ba bapala karolo e kholo ebile e le ea bohlokoa ho lokiseng le ho fetoleng boitšoaro ba batšoarua le hore ba tle ba tsebe ho ananeloa ke sechaba kamor'a sekoeba sa bona. Ha o sebetsa moo o sa khotsofalang, ruri mosebetsi o ke ke oa ba motle, 'me liphoso li tla etsahala. Ebe ba bang ho thoe ba tsoile ka mokhoa oa mohlo, empa e le hobane basebeletsi ba sa khotsofala.

RPA le DMA li tlabotse selekane. Mookameli oa DMA o re joalokaha boikarabello ba bona e le ho rala, ho hokahanya le ho kenya tšebetsong mesebetsi eohle e amanang le likoluoa, ka mokhoa o tšoanang RPA boikarabello ba eona ke ho laola le ho lekola tšebeliso ea mahlaseli a kotsi mafapheng a fapakaneng, ho kenyeletsa bophelo bo botle le temo, ka hona mafapha ana a mabeli ke lia thoteng le bapile.

A re ho hokahana le tšebeliso 'moho e hlophisitsoeng e tla ba thusa ho loantša likoluoa tse kang komello, lifefo, le lipula tse matla tse hlokang tšebeliso ea mafapha a mangata. A phethela ka hore tumellano ena e tla tliša ho thehoa ha morero o kopanetsoeng oa maemo a tšohanyetso le maano, ho netefatsa boitokisetso le karabelo e potlakileng ha ho ka ba le likoluoa tse amang mahlaseli a kotsi.

E se e ba tla e le nako e telele joale lihoai tsa boea ba linku le lipoli li sokola ho fumana 'maraka ka lebaka la lekhetho le holimo haholo. Joale nako e fehlile ea hore Basotho ba t'lo imona monoana haele mona Naha ea China e butse monyetla ea lihlahisoa tsa boea, li se li tla rekisoa China tlas'a sekhele sa lekhetho la mahala. Taba e tlamehang ho lokisoa ke hore feela Basotho ba thusoe ka mekhoe e metle ea tlhahiso ea boleng, mekhoe e bonolo ea ho hlahisa etsoe e le batho ba tsebang ho itšoarella ka matsoho.

Moemeli oa Naha ea China Lesotho o re boikemisetso ba bona ke ho matlafatsa likamano tsa khoebo. O re boea bona ba nku le poli bo tla kengoa 'marakeng oa china e le ho tšehetsa lifeme tseo ba nang le tsona.

Kamor'a lilemo tse tharo kaofela e ka litefiso tsa likoli tsa baeti li tla nyoloha. Raliphatlatso oa mokhatlo oa MRTO o re ba bile le puisano le Boto ea Lipalangoang le setsebi se hlahang lekala, 'me ba etsa khotlaetso, taba ena esale kopa feela hobane moqeti ke Letona la Lipalangoang.

Mafura a likoloi a qeta ho nyoloha, le hoja 'muso o itse o tla kenya letsoho ka khahlametso, ebe litefisong moo teng ho tla etsahala joang? Sechaba ruri se pitlilo ka lefikahali, ke hore hang hong, empa re tla li bona ha 'mela o ntse o puta.

### MOLIMO A BOLOKE LESOTHO LE BASOTHO

# Phetoho e beha lihoai ka mosing

## Nthabeleng Seithleko

**M**popo Kheekhe ho hlaha Qabane Khomong, eo e leng setho sa mokhatlo oa lthuseng Lihoai, o re phetoho ea boemo ba leholimo e ba behile tlokotsing, kaha e ama liphoofole le lijalo, 'me ba qetella ba hula ka thata litabeng tsa boipheliso le phepo ea malapa. O buile tsena, puisanong le Koranta ka la 28 Tlhakubele monongoaha.

O khotlaetso hore Lesotho le etse molao o tla laola hore lihoai tsa liphoofole li hlomphe tsa temo, 'me molao oo o be matla, hobane ho tla nako ea Mariha, eo lihoai li t'lo sitisoa ke lihoai tsa liphoofole, kaha ba hloka tšebeliso le lihoai tse ling ba icheba bo bona.

Moeketsi Tolofi, sehoai se ikemetseng, o re qholot-

so ea boemo ba leholimo e ba ama haholo tlhahisong, kaha morao tjena lipula li na ka sekahla le mongobo ha se oa nako e telele. O re ho na le moo ba kopanang le bothata ba ho sitoa ho kotula hantle le selemo ha se sana likhaolo, joalo ka nako e neng e tloaelehile ea Lehlabula. Ka linako tse ling

ba sitoa le ho inanabeletsa ho ipholosa pheto-phetohong ea leholimo, leha ba lokela ho sireletsa temo ea bona mochesong ba hloloa ho etsa joang kaha ba sena matanta.

A re bothata ke tlhokahalo ea lichelete le moruo o temang. O re bacha ha ba na thahasello litabeng tsa temo, o hlokomela hore kamor'a lilemo tse hlano mobu o tla be o sa sebeliso o senyeha 'me naha e sitoa



## Ente e kena tšebetsong

### Nthabeleng Seithleko

**L**etona la Bophelo Mohlomphehi Se-libe Mochoboroane o thakhotse tšebeliso ea ente ea thibelo ea kokoana-hloko ea HIV/AIDS (LENACAPAVIR) ka la 30 Tlhakubele monongoaha.

O hlalositse hore ente ena ke e thibelang tšoaetso ea HIV/AIDS, ha se sethahere se thibelang mafu a likobo le bokhachane bo sa roang. O ipilelitse ho sechaba ho tšepahallana e le ho thibela mafu a mang a likobo le bokhachane bo sa roang.

Ho feta mona o itse ente ena e t'lo thusa hore lipalo tsa tšoaetso ea HIV li thehe kahar'a naha, 'me ho bohlokoa ho sireletsa bophelo ho qoba mafu a mangata a behang bophelo ba sechaba tsietsing. "Ha ho bolele hore tšoaetso ea HIV e felile Basotho e ntse e le teng ha re ithokomeleng." Ke eena eo.

Ka lehlakoreng le leng Dr. 'Mamakhoa o re ente ena LENACAPAVIR e entoa ha 'ngoe kamor'a likhoeli tse tšeletseng. Sepheo se seng ke ho phatlalatsa litšebeliso tsa ente ena esitana le ho t'lo matlafatsa tšebeliso lipakeng tsa Lekala la Bophelo le basebeletsi

ba tsa bophelo metseng e le ho khotlaetso batho ho ea ente. Morero ke hore ka selemo sa 2030 ho se hlole ho eba le litšoaetso tse ncha tsa kokoana hloko ena Lesotho.

Lebitsong la lingaka Dr. Mothae Mothae o itse ho molemo ho sebelisa ente ena motho a ntse a sebelisa mekhoe e meng joaloka ea ho thibela boimana bo sa roang le ho rola katiba. A re tšireletso ea ho qetela ke ho noa litlhare ho latela litaelo tsa ngaka ha motho a se a e-na le kokoana-hloko ena.

Ente ena e fihla Lesotho e le karolo ea linaha tsa lefatše tse ntseng li le tlokotsing ea lefu lena. Dr. Mothae o re liteko li entsoe 'me tsa bontša hantle hore ente ena e sireletsehile. O ipilelitse ho bacha hore ha motho a e-s'o be lilemong tsa lenyalo, ba se ke ba kena likamanong tsa thobalano, e le ho fokotsa sekahla sa ho tšoaetsana.

Mokhethoa oa Lebatooa la Butha-Buthe NO. 5, Karabo Pholosa, o ile a lahlela oa hae molangoana, a re o amohela mesebetsi ona o moholo oa ente ea LENACAPAVIR. A re e se eka molaetsa o na o ka pharalla ho bacha hobane ke bona batho ba tlokotsing haholo ea lefu lena.

ho iphepa. Joale le 'muso o sitoa ho araba litlhoko tsa lihoai hantle.

Lebohlang Mankoenyane molemi le morui oa liphoofole, haholo likhomo tsa lebeso, o re phetoho ea boemo ba leholimo ke qholotso, likhomo ha li ntse lebeso hantle kaha serame le mocheso li ka itlhalahela feela kahar'a nako e sa lebeloang. A re hona le bacha ba sa eleng hloko litaba tsa temo ba bileng ba hlokang thahasello, empa nakong eo chelete e hlahang kapa ho rekisoa hantle b'a itlhalahisa.

O re taba ena e ama tlhahiso le boipheliso 'me moruo o t'lo nyotobela ho latela phetoho ea leholimo le marena a h'a sa bua le sechaba ka ho ba khalemela 'me ba sitoa ho sireletsa lihoai tse ling. Ha ba lefe chelete kapa litšenyehelo ka tsela e arabeleng litlhoko tsa bona.

Motsamai Thabang o re leha ba sebelisitse mobu ka nepo, ba lula ba tšoenyehile kaha lipula tse nang ka sekahla li ama tlhahiso ea bona. O re seboka sena se ba ruta litaba tsa bohlokoa tseo a neng a sa li tsebe e le sehoai, kaha ba fuoa thuto ka tšebeliso ea moiteli ba sa sebeliso manyolo. O re temo ea moiteli e etsa hore ba atlehe ho hlahisa lijalo tse ntlafetseng. A re ba e laola khoholeho ea mobu ha ba bona hore e haufi le tšimo hore ho se tabohe lengope.

Contacts: +266 28350 466

62600983 WhatsApp

Email: [newsroom@moeletsiobasotho.co.ls](mailto:newsroom@moeletsiobasotho.co.ls)

Sales and Marketing: (+266) 28 350 466/ 57396597 (WhatsApp)

**MOELETSI oa BASOTHO**

A LOKISETSE MORENA SECHABA SE PHETHEHLENG (LUKE 1,17)

EMAIL: [editor@moeletsiobasotho.co.ls](mailto:editor@moeletsiobasotho.co.ls)

[sub-editor@moeletsiobasotho.co.ls](mailto:sub-editor@moeletsiobasotho.co.ls)

Mohale Lehlohonolo (Sub-editor)

(+266) 58 771 507 / 62 771 507

Journalists

Nthabeleng Seithleko

Tšelis Thakholi

Production Desk: 'Mateele Liqa

57 665 038/ 68 216 271

58 540 853/ 63 480 404

# Tšubuhlellano ke qholotso Litsing

## Nthabeleng Seitlheko

**M**ookameli oa Litsi tsa Tlhabollo ea Batšoarua, Matingoe Phamotse o buile ka matla ka maemo ao basebetsi ba lichankana ba sebet-sang tlas'a 'ona nakong ea mokete o neng o tšoaretswe Butha-Buthe ka la 28 Tlhabollo monongoaha.

Phamotse o re maemo a lichankana Lesotho h'a matle, a bontša hore basebetsi ba LCS le bona ba sebetsa tlas'a maemo a tšoanang a thata joaloka batšoarua. O ile a eketsa ka hore leha basebetsi ba na ba bapala karolo ea bohlokoa ho lokiseng le ho fetoleng boitšoarobane ba batšoarua, mosebetsi oa bona ha o ananeloe ka ho lekaneng ke sechaba.

"Hona le ba bang ba ka nahanang hore batšoarua ha ba tšoanele ho phela maemong a matle, rona



basebetsi ba LCS re entse eng ho mamella maemo a tšoanang le ao?" Ho botsa eena.

O boetse a hlalosa hore leha batšoarua ba bang ba koeletsoe ka nepo ka lebaka la melato ea bona, ho na le ba bang ba koeletsoeng ka phoso ba se molato, ha ba bang bona ba ile ba kena

litlolong tsa molao ka lebaka la maemo a thata a bophelelo.

Phamotse o hateletse hore leha ba sa kenelle liqetong tsa makhotla, ho bohlokoa hore makhotla a nahane ka mekhoha e meng ea likotlo, joalo ka ho sebeletsa sechaba. O re lichankana li se li tletse

haholo ho feta kamoo li retsoeng, hoo ho eketsang moroalo oa mosebetsi ho basebetsi.

O itse mekhatlo ea lichankana e se e amohetse leano la mamati a bulehileng, e le ho matlafatsa pepeneneng le ho fa sechaba monyetla oa ho utloisa mosebetsi oa bona le ho

bona hore ba ka thusetsa joang.

Motlatsi oa Mokhomishenara e Moholo, Kabo Moeno, o totobalitse bohlokoa ba hore basebetsi ba itl-hahlobe kamehla ho tseba mathata ao ba tobanang le 'ona le ho fumana tharollo e sebetsang. O khothalelitse basebetsi ho lula ba ikemiselitse le ho sebetsa ka thata leha ba tobana le mathata letsatsi le letsatsi.

Moeno o boetse a hatella hore makhotla a lokela ho sebelisa haholoanyane kotlo ea ho sebeletsa sechaba e le ho fokotsa palo e phahameng ea batšoarua. O boletse hore lichankana tse ling li se li sebetsa ka makhetlo a mararo ho isa ho a mane ho feta bokhoni ba tsona, e leng bothata bo boholo ho basebetsi.

O entse temoso hore ho tlala ha literonko ho baka ho ata ha mafu a tšoaetsanoang kahare ho tsona, 'me a ka qetella a ama sechaba ha batšoarua ba lokolloa.

# RPA le DMA li kena selekaneng

## Nthabeleng Seitlheko

**L**efapha la Taolo ea Likoluo (DMA) le Lefapha la Tšireletso khahlanong le Maqhubu a Kotsi (RPA) li tlabotse selekane sa tšebetso (MOU) e reretsoeng ho matlafatsa tšebeliso litabeng tsa taolo ea likoluo le poloheho ea mahlaseli a kotsi Lesotho ka la 30 Tlhabollo monongoaha.

Puong ea hae Mookameli e Moholo oa DMA, Reatile Elias, o itse sepheo sa kopano ena ke ho tiisa tšebeliso pakeng tsa mafapha ana a mabeli le ho theha moralo o hlakileng oa ho sebetsa 'moho, haholo-holo ho sebetsana le likoluo tse amanang le tikoloho le mahlaseli a kotsi.

O hlalositse hore DMA e thehiloe tlas'a Molao oa Taolo ea Likoluo oa 1997, ka boikarabelo ba ho rala, ho hokahanya le ho kenya tšebetsong mesebetsi eohle e amanang le likoluo. O ile a eketsa ka hore molao ona o boetse o laela hore DMA e sebelisane haufi-ufi le makala a fapakaneng ho aha bokhoni ba ho mamella likoluo.

O boletse hore tšebeliso e bohlokoa kaha likoluo li ka hlaha ka lebaka la maemo a tikoloho a kang komello; likhohola le lipula tse matla, tse ka hlokan-

tšebeliso ea mafapha a mangata.

O boetse a bontša hore RPA e thehiloe tlas'a Molao oa Tšireletso ea Mahlaseli a Kotsi oa 2018, ka boikarabelo ba ho laola le ho lekola tšebeliso ea mahlaseli a kotsi mafapheng a fapakaneng ho kenyeletsa bophelo bo botle le temo.

A re mosebetsi ea mafapha ana mabeli ke hore ba hokahane, haholo-holo tabeng ea taolo ea likotsi tse amanang le mahlaseli a kotsi tikolohong, ke ka hona ho leng bohlokoa hore ho be le tšebeliso e hlophis-

itsoeng.

O hlalositse hape hore tumellano ena e tla tataisa ho thehoa ha merero e kopanetsoeng ea maemo a tšohanyetso le maano, ho netefatsa boitokisetso le karabelo e potlakileng ha ho ka ba le likoluo tse amanang le mahlaseli a kotsi. O ile a totobatsa hore e tla boela e matlafatse tšebeliso le phapanyetsano ea tlhaiso-leseling lipakeng tsa mafapha.

Ka lehlakoreng le leng, Mookameli e Moholo oa RPA, Mqekela Khesa, o itse DMA ke setsi se

ka sehloohong sa taolo ea likoluo, RPA eona e tsepamisitse maikutlo ho liketsahalo tse amanang le mahlaseli a kotsi.

O hateletse bohlokoa ba hore mafapha ohle a be le bokhoni ba ho itokisetse le ho arabela ka nepo likotsing tse amanang le mahlaseli a kotsi. O boetse a senola merero ea ho theha setsi sa mofetše le ho matlafatsa tlhokomelo ea mahlaseli a kotsi, a re tumellano ena e tla bapala karolo ea bohlokoa ho sireletsa naha.

O re hangata mahlaseli ana a kotsi ho ntho e tšoare-

hang kapa e bonahalang ha bonolo, kahoo le moo a fumaneheng kahar'a lihlahisoa ho lokela hore ho lule ho sireletsehile hore a se ke a baka kotsi.

Kotsi ea ona ke hore ho ka ba le mafu a sa tloalehang a ka hlahellang. Tikoloho e lokela ho sireletseha le hore lihlahisoa tsena li kene kahar'a naha ka tumellano le mekhoha ea tšebeliso ea taolo ea tsona e be e hlakileng.

Mafapha ka bobeli e bontšitse tšepo ea hore tšebeliso ena e tla ntlafatsa bokhoni ba ho mamella likoluo le ho thusa ho sireletsa bophelo ba batho, tikoloho le ntšetsopele ea naha.



# MOELETSI O TŠEHETSA BACHA

## Tšeliso Thakholi

**E** mong oa baroetsana ba Basotho kahar'a Naha ea Lesotho, Keneuoe Lechesa ea tummeng haholo ka lebitso la 'Kenny' o iphelisa ka talenta ea ho ba seroki le seqapi se hloahloa sa lithoko le lithothokiso tse monate tsa puo e nonneng ea Sesotho. Ausi Kenny ea motlotlo haholo ka ho rata le ho boulela bochaba ba hae, e ka ba ke moaparo, lipapali le lijo tsa Sesotho, ke moroetsana oa Bokong Ha K'henene Seterekeng sa Thaba-Tseka. O entse sehlopha sa Grade 11 Sekolong se Phahameng sa Bokong ka 2024. O re qoqela ka tsa talenta ea hae:

## QALEHO

Ke qalile ho ba le thahasello ea lithoko le ho qapa lithothokiso ha ke ntse ke kena Sekolong se Phahameng sa Bokong, moo teng ke neng ke lietsatsa boithapallo le boithabiso, empa ha nako e ntse e-ea, ka tilhokomeliso ea litichere tsa ka, batsoali le ba bang ba metsoalle ea ka hore ke na le talenta ea boqapi bo monate ba puo e butsoitseng ea tšebeliso ea mantsoe a Sesotho.

'Me ka talenta ena nka tseba ho iphelisa. Ke ha ke tla qala ho lemoha hore ha nka e baballa talenta ena, ka e nontša ka ho fumana botataisi haholo tšebeliso ea mantsoe a nepahetseng e ka ntsoela molemo. Ka thuso ea litichere tsa ka ke ile ka qala ho kene-la litlholisano tsa likolo tsa lipapali tsa bochaba, tse atisang ho tsoareloa mona Katse, teng ke ileng ka ipabola haholo ka mantsoe a monate a puo ea Sesotho.

Ke ha ke tla tsoelapele ka talenta ena ea ka ke ntse ke tšehelitsoe ke batsoali le litichere tsa ka leha ke se ke sa kene sekolo se phahameng, empa ke re le kajeno ba ntse ba ntšehelitse haholo ka likeletso le ho

nthusa ho lokisa puo. Ka lebaka la boemo ba kholo le sebaka sebaka seo ke holetseng kahare ho sona, puo ea Sesotho ha e-s'o senyehe haholo ka ho kopa-kopangoa

mofuta ona.

## MEFUTA EA LINTHO TSEO A LIROKANG

Hantle ka ho khetholoha ke rata haholo ho roka letamo lena la haeso la

opo e le hore ke tsebe ho matlafatsa talenta ea ka. Seo ke atisang ho se kopa ke hore feela batho ba tlabeng ba matse ha ke ntse ke roka seo e bang ke ea seroka


naha ke emela Naha ea Lesotho boemong ba machaba ka boqapi ba lintho tse fapakaneng le boemong ba lefatše, ke bile ke fumana likoetliso le ho kopana le litsebi tse tsebahalang tse qapang, le ho thabisa sechaba sa heso seo ke se ratang haholo sa Basotho. Ke batla naha ea haeso, batsoali ba ka, litichere tsa ka batle ba ikotle sefuba ka 'na ho ba ke seo ke leng sona ka lebaka la litichere tsa ka le sechaba sa heso. E kholo ka ho fetisisa ke hore talenta ena ea ka e mphetisa.

## KELETSO HO BACHA

Ke rata ho eletsa bacha ba heso hore ba se ke ba khahloa ke none e feta, ka ho rata lipuo tsa balichaba ho feta puo e monate ea habo rona. Ba ikotle sefuba ka eona, ba se ke ba e tšabisa ka khopolo ea hore puo ea Senyesemane ke eona e betere ho feta ea habo rona. Eba motlotlo ka puo ea hao mocha ea khabane molemong oa ho boloka naha ea heno machabeng.

## BOIPILETSO

Ke rata ho etsa boipiletso boholong le ho batho bohle ba boithatelo bo botle hore ba ke ba shebe libaka tse ka maloting, kaha litalenta tsa bana ba Basotho lingata, empa ba hloka mekhoha ea ho holi-sa litalenta tsa bona. Ke kopa ba thusoe holim'a litalenta tseo ba seng ba ntse ba e-na le tsona, e le hore ba tle ba tsebe ho iphelisa ka tsona ba sa hloke ho hiroa kapa ho siea metse ea habo bona ba il'o baka tšubuhlellano litoropong tse kholo tsa naha.



le mefuta e mengata ea lipuo. E sa ntse e le puo e betere haholo papisong le maemo a kajeno.

## MOKHOA OA HO LIQALA

Haele lithoko eba ke batla ho roka ntho e itseng, ke qala pele ka ho ithuta mofuta oa ntho eo ke batlang ho e roka, e be ke ngola lithoko tsa eona fatše, ke li matlafatsa ka maele le maelana a Sesotho ebe kea li bala hore ke tle ke tsebe ho lula hantle ka hloohong, ke tle ke se ke ka li lebala. Taba ena ke neo feela eo Morena Molimo a mphileng eona, ha kea e anya letsoeng ntle leha eba hona le baholo ba ka ba neng ba ena le neo ea

Katse le naha ea haeso e ntle ea Lesotho, e nang le lithaba le lithajana tse ntle tse bataletseng hamonate. Ho feta mona ke roka ntho e 'ngoe le e 'ngoe ke ipapisitse le hore ke ntho ea mofuta o fe, e ka ba lithaba, maralla, metisi, mafung, likerekeng, machatong le lipapaling ka mofuta.

## MEKETE

Ke mengoa meketeng e mengata e fapakaneng ho ea natefisa ka ho roka latela hore na mokete ke oa mofuta ofe. E re kaha ke se ke hlokometse hore taba ena nka tseba ho iphelisa ka eona, ha joale ha ke menngoe ha ke lefisi letho ke sa ntse ke sebetsa ka boitha-

moketeng, ba nthuse ho mpha malebela moo ba utloa ke haelloa. Joalokaha ke se ke boletse ke sebetsa ke le moithaopi feela hona joale ho ba ke ba tla hore ke hle ke thuso haholo ka boqapi le ho matlafatsa puo.

## TORO EA HAE

Toro ea ka ke ho iphumana ke le e mong oa liqapi tse hloahloa kahar'a

## KHOELEHETSO HO BACHA

Re kopa bacha bohle ba khoebong, tse ntseng li thuthuha le tse seng li

iphumane ba bue le

Moeletsi oa Basotho ho:

[newsroom@moeletsiobasotho.co.ls](mailto:newsroom@moeletsiobasotho.co.ls) kapa nomorong ea WhatsApp

ea +266 62600983 ho arolelana le bacha ba bang ba nang le

khahleho ea ho qala

khoebo, empa ba sa tsebe ba ka gala joang.

# Moroalo o mong holim'a o mong

## Nthabeleng Seitlheko

**B**aeti ba sebelisang lipalangoang tsa sechaba ba lebeletse ho tobana le phahamiso ea litjeo, kaha tefo ea tekisi ea lehae e tla nyoloha ho tloha ho M13 ho ea ho M15.00 ho qala ka la 1 Motšeanong monongoaha. Litaba tsena li boletsoe ke Raliphatlatso oa MRTO Lebohang Moea ka la 31 Tlhakubele monongoaha.

Mokhatlo oa bahoebi ba likoloi tsa baeti tikolohong ea Maseru (MRTO) o netefalitse hore qeto ena e bakiloe ke ho phahama ha litheko tsa mafura le litšenyehelo tsa tšebetso.

Moea o boletse hore qeto e fihletsoe ka kopanelo le Boto ea Lipalangoang. "Re lumellane ka keketseho ea M2.00 litefisong tsa lehae hammoho le Boto ea Lipalangoang, 'me hajoale re emetse phatlalatsa e tla etsoa ke Letona la Lipalangoang haeba a lumellana le rona ka taba ena. Tsebiso ea sechaba e tla phatlalatsa ka la 1 'Mesa monongoaha, ho fa baeti nako ea ho itokisetsa phetoho ena pele e qala ka la 1 Motšeanong motšeanong monongoaha."

O re ba ile ba qala ho sisinya keketseho ena ka Phupjane selemong se fetileng, ba supa hore ha ho so ka ho etsoa lipheto ho tloha ka 2023 leha litšenyehelo li ntse li phahama. Phetoho ea ho qetela e ile ea etsoa ka Tšitoe 2023 ha litefiso li behoa ho M13.00.

Moea o itse ba bile le tahlehelo e kholo ea lichelete lilemong tse peli tse fetileng ka lebaka la ho se fetohe ha litefiso, le ho haela ha thuso ea mafura ho tsoa 'musong.

Setsebi ho tsoa Lekala la Mesebetsi ea Sechaba le Lipalangoang se bontšitse hore ho latela mokhoa oa ho lekanya litšenyehelo, tefo e ne e lokela ho ba moo e ka bang M22.00. Leha ho le joalo, ka lebaka la bokhoni ba baeti, ho lefa M15.00 e bonoe e le tekanyo e utloahalang.

Nakong e fetileng litefiso li ne li thehoa ho latela maemo a moruo ka kakaretso, mokhoa o seng o nkuoa o sa tšoanelehe kaha o ne o sa bontše litšenyehelo tsa 'nete tsa baqhobi.

Leha ho le joalo, Moea o hlalositse hore tefo ea M15.00 e ne e lekane ho latela boemo ba nakong ea kopo, 'me ekaba bomali-mabe e bang 'muso o ka fetisa kopo ena e le joalo, haholo nakong ena eo litefiso tsa mafura li phahameng hampe.

o kenyelletsang litheko tsa mafura, 'inflation' le litšenyehelo tse ling. Lekala le ananetse bohlokoa ba ho ba le mokhoa o hlakileng le o lekalekaneng oa ho beha litefiso, o tla sireletsa bakhanni le ho nahanela bokhoni ba baeti.

Ho sa le joalo, e mong oa baqhobi ba maphele, Philip Motšoaane, o thoholelitse keketseho ena ka le reng ba imetsoe ke litjeo tsa lithepa tse lokisang likoloi, mafura a likoloi le lisebelisoa tse ling.

O re keketseho ea M2.00

erato Tšosane ebile e le moitšukuli ea lulang Ha Legele, o hlalositse hore ba amohela nyollo ena le hoja ba imetsoe ke khoebo, ke tokelo ea bahoebi bao hore le khoebo tsa bona li hole. O re ekare 'muso o ka kenya letsoho khahlametsong ea likoloi tsa baeti haholo mafura nakong ena e thata.

O re sena se ka thusa hore litjeo li se ke tsa nyoloha ka boima, empa li nyelohe habobebe ka tsela e nang le ponaleto le ho arabela lithoko tsa bona tsa mantlha.

H'a phethela, o itse Basotho ba halala likhoebo tsa Basotho ba bang, kaha batho ba palama qa chelete e shotang hoo ba seng ba

itsamaetse butle haholo ha etla kamor'a lilemo tse tharo.

O re khoebo e 'ngoe e le e 'ngoe ena le lipehelo tsa eona, le ea likoloi tsa baeti e lokela ho ntlafala joaloka tse ling. Ha se hampe hore koloi li nyolohe ka M2.00 eo le eona e kannang ea eketseha ho latela boemo ba moruo oa Naha ea Lesotho le lefatše kakaretso. "Boemo bona bo t'l'o bakela batho ba bangata bofutsana kaha litheko tsa lijo li t'l'o nyeloha. Litsiane tse sa nyolloang le tsona li kenya letsoho tšotlehong ea Basotho." ke Letsie eo. Ho hobe re t'l'o lapa, joale re sitoa le hore re loants'a boemo bona joang hobane nako le liket-



O re ho bohlokoa hore 'muso o ikeletse le ho sheba litaba ka leihlo le leng mol-emong oa kholo ea sechaba sohle le hore bohle ba nke maeto habonolo ho se tšitiso. "Sechaba se tsebe hore boto ha se baqeti leha ba tsoile phuthelohong ba le ntsoe leng, moqeti ke letona." Ke Moea eo. A re ba emetse eena hore a phatlalatsa.

Tlaleho ea setsebi e totobalitse tlhokahalo ea mokhoa o hlakileng

e nyenyane hobane Basotho ba se ntse ba lla ka M13.00 eo ba sa ikemisetsang ho e lefa, ba bile ba sa e soabele. O re ho nyoloha ha likoloi ho ba thusa hore baeti ba tsamaee ka likoloi tsa boleng, tse lokisitsong eseng tseo e seng tsa boleng. O tsoetsepele hore ba ipiletsa ho baeti ho lefa litjeo tse loketseng hore ba li lefe molemong oa kholo ea khoebo ea bona.

E mong oa bapalami Mal-

sa hlajoeng ke lihlong, ke e 'ngoe e etsang hore moruo oa rona o se ke oa hola, hobane nako eohle re shebela bana ba bo rona ba bang boemong bo tlaase khoebong tsa bona.

Mookameli oa Mokhatlo oa Baji, Nkareng Letsie, o hlalositse hore litjeo li tla lokela ho nyeloha ho late-la boemo ba bophelo le ho nyotobela ha moruo ho et-sahalang lefatšeng. A re le joale nyollo ena e ntse e

sahalo li lumela hore boemo ebe bona bona.

H'a phethela o tšoetse ka mathe tloaelo ea Basotho ea ho kena likoloi ba sa lefe litsiane tse lokelang, o re Basotho ke sechaba se sa rataneng hobane ba liela likhoebo tsa ba bang ka ho lula ba shota. "Baji khaotsang ho senya likhoebo tsa Basotho etsang bonnete ba hore le hlompha khoebo tsa bona joaloka tsa melata." ke Letsie eo.

# SMARTD se'a ipabola

## Nthabeleng Seithleko

**M**okhatlo oa Lintlafatso tsa Maloti a ka boroa ho Naha ea Lesotho (SMARTD) o tsoere seboka sa Leshome le metso e robong sa boithlahlobo, chebello pele le ho teka meralo e mecha, litaba tse-na li bile ka la 28 Tihakubele monongoaha.

Mookameli oa Boto Morena Sempe Nkuebe o hlalositse hore ka nako ea selemo sa 2025, ba atlehile ho tsoara ka makhetlo a mabeli tlhahlobo ea libuka tsa mofani, moo ka makhetlo ba atlehile ho fumana ho se maphemphe.

A re ba atlehile ho etsa kopo ea lichelete ho lenaneo la ntšetsopele la Machaba a Kopaneng (UNDP). Litabeng tsa ntlafatso boipheliso le boiane ba tlholeho, moo ba seng ba atlehile ho feta mokhahlelo oa pele oa kopo ka bokhutšoanyane le mokhahlelo oa bobeli oa tlhahlobo ea kamano ea SMARTD le sechaba, ba fetela mokhahlelong o mong moo morero ha o atlehile, o tla sebetsa Seterekeng sa Mohale's Hoek tikolohong ea Qalabane.

Har'a tse ling ba bile le tšebetso le GIZ, moo ba sebetsanang le paballo ea makhulo le mekhoboo. Morero ona o tlo' filha pheletso mafelo ea khoheli ea Tihakubele selemong se holimo. Kaha e ne e le morero o monyenyanane, GIZ e ne e etsa boithuto hore SMARTD se ka tseba ho tsoara litaba tsa bona tsa tšebetso hantle na. Ke morero o neng o ba bulela monyetla oa ho sebetsa le

GIZ.

A supa hore ba atlehile ho amohela mofani oa bona Bread for the World moketeng oa selemo le selemo oa lipeo. O re o ile a thabisoa ke ntlafatso eo ba e fihletseng, eleng moo ba atlehileng ho aha liraka tseo ba tlo' boloka lipeo, le ho reka thepa e tla ba thusa ka mesiko ea peo joaloka ha taba ena e le toro ea SMARTD ea nako e telele, empa qholotso e le hore thepa ha e-s'o felle kaha chelete e ile ea fela ka lehare ka lebaka la litheko tse phahameng tsa thepa.

O re leha hona le likatleho tseo ba li fihletseng, qholotso e khoheli ke ho putlama ha moruo lefatšeng ka bophara. Taba ena e phahamisoa ke lintoa tse na tseo Naha ea Germany, moo lithuso tsa bona bohloko li hlahang teng e tšehelitseng naha ea Ukraine ntoeng ea Russia, hona hore chelete ea lintlafatso eo ba ntseng ba thusoa ka eona e bonahala e theoha.

Mookameli oa meralo Fako Fako, o re ba hlokometse hore temo e baballang tlholeho ke tšebeliso ea lipeo tsa lehae, moiteli le mosuoela e nontša le ho boloka boleng ba mobu.

A re selemo sena sa bobeli sa tšebetso ea SMARTD le sechaba sa metse le mekhahlelo ea sechaba se tlokotsing se lokolisitsoeng ka holimo se bile le lithupelo tse ngata, tsa temo ea mo-shoelella, temo ea meroho, lithupelo tsa ho ikenyetsa chelete, thupelo tsa mopheho le poloko ea lijo, likolo tsa lihoai le mekhoboo ea ho boloka le ho baballa peo ea lehae.

A hlalosa hore lihoai tse rupetsoeng ke 646 (354



bo-ntate le 292 bo-'m'e) ho kenyeletsoa maqheku, batho ba nang le bokooa, lihoai tse ntseng li thuthuha le bahlokomeli ba likhutsana. Lihoai tse na tse rupetsoeng ke tsa litikoloho tsa Ha Tlhaku, Qabane, Ha Phafoli le Tšenekeng.

Ka la 12 Loetse 2025 lihoai tsa moliko oa peo oa SMARTD li ile tsa hlophisa le ho tsoara mokete, moo ba neng ba keteka peo ea lehae le lijo tse hlahisoang ke eona. Moketeng ona ke moo lihoai li fapanyetsanang ka lipeo ho etsa boithuto ba lipeo tse joalo libakeng tsa habo bona, ba sebelisa mahlale a mpokan-ele.

Lihoai li boetse li thakelana ka malebela a temo. Moketeng ona lihoai li tliša lipeo tsa bona tsa lehae ka mefuta ea tsona, lijo tse jeoang moketeng ona ke tse hlahisitsoeng ke peo. Lipontšuo tsa mesebetsi ea SMARTD e behoa pepeneng.

E le ho matlafatsa phapanyetsano e ntle ea lipeo lipakeng tsa linaha, naha ka 'ngoe e lokela ho ba le maano a eona a laolang tšebeliso le phapanyetsano ea peo. SMARTD le Lekala la Temo ka Lefapha la Lipatlisiso tsa Mahlale a Temo (DAR), ba ile ba fana ka sethala moo lihoai, basupisi le bohloko ba SMARTD ba neng ba tšohla leano, ho bona hore leano la peo le kenyeletse kahare ho lona litaba-tabelo le liqholotso tsa lihoai tlhahisong ea peo.

Leano lena la lihoai le bohle ba chang ba tšola tlhahisong ea peo kantle le ka hare ho naha, ho hlokomehile hore ha le ananele peo e hlahisitsoeng ke lihoai ho sa lateloa methati ea tlhahiso ea peo, e le peo e ka bang bohlokoa sechabeng, leha feela e le bohlokoa hakaalo ho bahlahisi ba eona. Ka lebaka

lena, lipeo tse na tse hlahisoang ho lateloa methati e nepahetseng li kenelle kahare ho leano lena ha le lokisoa ka 2026.

E le ho batlela lihoai tsa bona 'maraka, SMARTD le lihoai ba hlophisa letsatsi la limmaraka oa hloma o hlo-molle. Letsatsi lena le ile la tsoareloa Semonkong. Morero o moholo oa letsatsi lena ke ho tšehetsa boipheliso ba lihoai.

Molemong oa kanetso ea lijo le phepo e nepahetseng, SMARTD e khothaletsa tlhahiso ea meroho e ka ba lipoloteng tse fatše, tsa cheka-cheka kapa lipoloteng tsa lentloane. Lipoloto tsa lentloane li khothaletsoa ka lebaka la tlhokomelo e bobebe ea tsona le ho no-esetsa ha bobebe. Malapa a 10 (4 bo-ntate le 6 bo-'m'e) ona a ahile lipoloto tse ncha tsa lentloane. Li-peo tsa meroho li filoe malapa a 122 (35 bo-ntate le 87 bo-'m'e) maqheku, likhutsana, bahloki le batho ba nang le bokooa.

A supa hore e le ho ntlafatsa phepo e nepahetseng ka malapeng le ho fokotsa sekhahla sa tšenyehe ea

lihlahisoa tsa majerete, lihoai li rupetsoe ka taba tsa mopheho le poloko ea lijo. Thupelo ena e reretsoe ho thusa lihoai ho phelela malapa a bona lijo tse bolokehileng, tse nang le matsoai a hlokoang ke 'mele. Lijo tse na ke lijo tse entsoeng ka lihlahisoa tsa masimong le tsa majareteng 'me tsona ke meroho e kopaneng.

Temo ke mokokotlo oa boipheliso ba Basotho. Leha ho le joalo, temo e tloaelehileng ea ho phethola mobu le ho sebetsa ka lihlahisoa tsa temo tse rekoang, e thefutse haholo tlhahiso ea lijalo le ho beha lihoai tlokotsing ea ho angoa ke maemo a phetoho ea boemo ba leholimo.

Ka lebaka lena, SMARTD e eletsetse hore temo e baballang tlholeho, ke karabo ea liqholotso tse ngata tse tjametseng lihoai. Liphetoho tse tlišitsoeng ke temo e baballang tlholeho e bile e sebelisa lisebelisoa tsa temo tse fumanehang kahare ho libaka tsa habo bona.

Leha ho bonahala mosebetsi o entsoeng sechabeng o le mongata ha kaalo, qholotso e 'ngoe e khoheli ke maemo a fetohileng a leholimo, moo lihoai li seng li kopana le likhohola, komello ea nako e telele le lebabo.

E mong oa lihoai tse bileng 'moking ona, Moeketsi Tolofi o hlalositse hore SMARTD ke mokhatlo o ba hlasimollotseng litabeng tsa temo, le ho tseba ho boloka liphoofolo tsa bona ka nepo, e le hore li lule li etsa boea bo botle. A re o thoholetsa haele mona ba sebelisa lichelete hantle, hobane qetellong takatso ke hore mokhatlo ona o se fele empa o phelele le ba malapa a bona.



# Ba 386 ba abeloa mangolo

**Tšeliso Thakholi**

**M**orero o M o h o l o oa Metsi a Lihlaba tsa Lesotho, 'moho le Lekala la Thuto le Koetliso ka leano la tsona la ho ntlafatsa bophelo ba sechaba se phelang liter-ekeng tse ka maloting, li

Lenane-Thuto lena la phano ea mangolo ho batho ba ipabotseng ka litsebo tsa mesebetsi ea matsoho, ke mokhoa o mong oa ho ruta mako-loane le litsoejane ho tsoasa tlhapi e seng ho ba fa eona. A re kahar'a tumellano e neng e tek-eno e ke Lesotho le Afri-ka Boroa ke ho ntlafatsa bophelo ba sechaba sa linaha tsena tse peli.

abeloa mangolo, o itse bookameli ba LHDA bo ba sheba e le batseteli le ho ba baemeli ba bohlokoa ba Morero ba tla ipabola ka makhetha mesebetsi ea bona. "Re se ke be ra utloa letho le bolutu ka lona. Re se ke be ra utloa kamoso e le lona ba qhe-kellang batho, re kopa le bouelle boemeli bono le ho bobaballa."

A qetella ka hore kat-

Hloaele o boletse hore ka lilemo tse ngata tse fetileng, bophelo ba sechaba sa ka malot-ing bo bile thata haholo, empa lintlafatso ha li ntse li e-ba teng bophelo bo ile ba fetoha. A re bo-teng ba LHDA bo fetotse bophelo ba sechaba ha-holo ka lebaka la ho tliša lintlafatso, "tseo tse ling tsa tsona li re behileng mona moo re leng teng

bohlokoa boo koetliso ea lona ebileng bona ho lona." A qetella ka ho ba lebohela le ho lebohe-la LHDA le bohle bao e tšoaraneng matsoho le bona katlehisong ea morero ona.

Lebitsong la ba neng ba abeloa mangolo, Monghali Kape Tota o boletse hore boholo ba sechaba bona le litsebo tse nga-ta empa ba hloka man-golo. Ka hona ho hlakile hore moruo o mongata kahar'a naha empa o sa



nehelane ka mangolo ho batho ba 386 ba litereke tsa Leribe, Thaba-Tseka le Mokhotlong, ho kenye-letsa bacha ba 53, kam-or'a ho hlahlojoa litsebo tsa bona tsa mesebetsi ea matsoho le tsa bohah-laoli. Litšebeliso tsena li bile mabaleng a Letamo la Katse, Thaba-Tseka ka la 26 Tlhakubele monon-goaha.

H'a bua lebitsong la mookameli oa LHDA, Monghali Ntšoli Maiket-so o hlalositse hore ka

"Ka thoko ho meseb-etsi eo re tummeng ka eona ea khaho ea mata-mo, litonnoro, phehlo ea motlakase le khaho ea lit-sela, e kholo ke ntlafatso ea bophelo ba sechaba, 'me re ntse re lebeletsoe le kajeno ho ntšetsa pele morero ona oa bohlokoa ka manane-thuto a rona a fapakaneng." O boletse joalo a bile a eketsa ka hore phano ena ea man-golo ho sechaba esale linyane likholo li sa tla.

H'a laea ba neng ba

leho ena ha se ea LHDA e le 'ngoe feela, empa manane-thuto ohle ao ba etsang molemong oa ntlafatso ea secha-ba, ba sebetsa 'moho ka mofuthu le mafapha a mangata a 'muso tlas'a Lekala la Thuto le Koetli-so, Lekala la Bohahlaoli, mekhatlo e ikemetseng le ea machaba ho tsebahat-sa le ho holisa litsebo tsa sechaba sa Basotho.

Mokhethoa oa Leb-atooa la Malibamatšo, Mohlomphehi Mokoto

kajeno, ho tla netefatsa le ho bona litholoana tse hlabosehang tse bakilo-eng ke boteng ba LHDA kahare ho maloti."

A ipiletsa ho ba seng ba abetsoe mangolo ho tsoa letšolo ho sebelisa litse-bo tseo ba li fumaneng ka katleho, e le hore e tle e be mehlala e metle hoba tlang kamorao ho bona. "Ke ka mehlala e metle eo le tlang ho e bontša le tlang ho tsoa molota ba tla tla kamorao ho lona, ba tlang ho bona

tsoeleng naha molemo, ho ba joale ha ba na le litsebo mangolo a le sieo, ho hlaha batho ba tšo-ereng mangolo ho tsoa linaheng tse ling ba tliš'o nka mesebetsi eohle eo ba tšoanelang ho e etsa kahar'a naha.

A leboha LHDA le Leka-la la Thuto le Koetliso ka ho tšoarana ka matsoho ho bonesa leseli e le hore ka lona litsebo tsa bana ba Basotho li tle li ba tsoele molemo le secha-ba sa habo bona.





# TSA KEREKE

## Mokete oa Makala

**Tšelisothakholi**

**M**opriska Paul Moshe o re Jesu Kriste h'a il'o e hlanaka Golgotha h'a ka a kena kaletse pere, empa o ne a kaletse esele e le pontšo ea boikokobetso, kaha a ne a tseba hore matla a hae a kolla ho Morena Molimo. O boletse tsena litšebelatsong tsa Sehlabelo se Halalelang sa 'Missa Mokateng oa Makala, o neng o bula Beke

Morena Molimo, a re: "Ntate senoelo sena ha se ke se mpote ka thoko, feela thato ho phethoe ea hao." Le boemong bona bo boima Jesu o ne a ntse a tšepile Morena Molimo nta'tae.

A re le ha Jesu Kriste a ne a le sefapanong o ile a 'na a qotsa mantsoe a Mopesalema a reng: "Molimo oa ka, Molimo oa ka o ntahtseng na?" E leng mantsoe a tšepo le thapelo ho motho ea litlallong, ea bileng a tsebang hore mothusi le mopholosi oa hae ke eena Morena Molimo ka sebele.

A tiisa hore Jesu Kriste o

liketso. A re Judas ea bileng le Jesu selallong sa ho qetela, ke eena ea neng a etelletse pele sekhakhatha sa batho ba neng ba tlil'o bolaea Jesu. "Motho o bolaoa ke motsoalle oa hae." O boletse joalo a bile a eketsa ka hore Judas o ile a eka Mor'a motho ka ho mo aka, empa a bontša hore ke lekoala ka ho ipolaea, e leng ho etsa phoso holim'a e 'ngoe.

A re Peterose le ha a ile a latola Jesu Kriste o ile a fapana le Judas ka hore e bile senatla, hobane e itse h'a hopola litaba tsa Jesu o ile a lla habohlako a ipona



e Halalelang, o bileng 'mishoneng oa Holy Spirit, Ha Abia ka la 29 Tihakubele monogoaha.

Fr. Moshe o itse Pesalema ea kajeno e reng: "Molimo oa ka, Molimo oa ka o ntahtseng na?" Ke thapelo ea motho ea nang le tšepo, eo litlallong tsa hae ha maqhubu a bophelo ba lefatše lena a se a rata ho mo bupetsa, a talimang ho Morena Molimo hobane ke eena molopolli oa hae.

Ka mokhoa o tšoanang o itse Jesu Kriste h'a le litlallong tsa hae, o ile a bua le

ne a ena le boikokobetso bo boholo le tšepo ea hore Morena Molimo o tla mo pholosa litlallong tsa hae, kaha a ne a tlile lefatšeng ho tla phetha thato ea Molimo nta'tae. A re Kriste o re rutile hore ha mathata a re tobile ha re lokele ho nyahama empa re tšoanela ho talima ho Morena Molimo kaha o tla re thusa ho jara lifapano tsa rona.

H'a bua ka Peterose le Judas, o itse ka banna ba neng ba le haufi haholo le Jesu, 'me bobeli bona e bile litsotisi empa tse sa tšoaneng ka

molato a baka. "O ile a bona liphoso tsa hae a lla, 'me a ba le tšepo ea hore Morena Molimo o tla mo tšoarela le ho mo hauhela. "H'a ka a etsisa Judas oa lekoala ka ho ipolaea." A rialo.

A phetala ka ho ipiletsa ho bakriste ho etsisa Peterose ea ileng a tseba hore mohau le tšoarelo li teng ho Morena Molimo le matla a ho lopolla a mangata ho eena. Ke hona mokateng ona o Moholo oa Makala, moo Fr. Moshe a ileng hlohonolofatsa bana bohle ba banyenyane.



### 2025-2026 SELEMO A

#### SONTAHA SA MAHLOMOLA



Liketso 10:34.37-43

Pesalema 117

Ba-Kolosse 3:1-4

Joannes 20:1-9



**Khothatso**

**Tsoho ea Jesu**

**M**okete ona oa Paseka ke mokete oa khale haholo. Lentsoe lena "Paseka" le bolela "ho feta ha Morena", 'me Paseka ea Bajodi e ne e le mokete oa khopotso ea ho feta ha Morena Molimo har'a bona, ha ba lokolloa bokhobeng ba Faro naheng ea Egepeta. 'Me hore re utloisise hantle mokete kajeno, re tšoanetse ho ikhopotsa Paseka ea khale, ea Bajodi, e neng e le setšoantšo sa Paseka ea Bakriste.

Ba nang le tsebo ea Bible ba tla hopola hore sechaba sa Baheberu se ne se lutse habohlako Egepeta. Ba ne ba fetohile makhoba ruri, 'me ba ba ne ba rapela Morena Molimo hore a ba pholose.

Joale, ka letsatsi le leng, Morena Molimo a se lopolla, a re ho Moshe: "Ke tla le lopolla. Ka letsatsi la leshome le metso e mene la khoeli, mantsiboea, lapeng le leng le le leng, mong'a lelapa o tla hlaba konyana e se nang letheba, ka mali a eona le tla tlotsa likosene tsa monyako oa ntlo eo le lutseng ho eona. Bosiung boo, le tla ja nama ea konyana. Le tla e ja ka mokhoa ke ona; le tla itlamba matheka, le role lieta, le itokisetse ho tsamaea, hobane ke Paseka, ke hore ho feta ha Morena. Bosiung bona boo, ke tla feta, ke tla otlala bana ba matsibolo ba Ba-Egepeta. Mali e tla ba letšoao matlong a lona, 'me ha ke bona mali ke tla feta ke sa otle bana ba tlung ena."

'Me ha e-ba joalo. Bosiung bona boo lengoloi la Morena la feta 'me la bolaea bana bohle ba matsibolo naheng ea Egepeta. Eaba Faro o phakisa a lokolla sechaba hore se tlohe, se tsamaee. Moshe a re ho sechaba: "Hopolang letsatsi lona leo Molimo a le ntšitseng Egepeta ka lona. Ka selemo le selemo re tla etsa mokete oa khopotso ea topollo ea rona: e tla ba mokete oa Paseka, ke hore ho feta ha Morena ea re lopollang". 'Me sechaba kaofela se ne se bina "Alleluia", ke hore" A re tlotliseng Molimo."

Mokete oa Paseka ea Bajodi e ne e le setšoantšo sa Paseka ea bakriste. Jesu, Molopolli oa rona, o ratile ho re shoela le ho tsoha bafung ka nako ea Paseka ea Bajodi, ho re bontša hantle hore o tlile ho pholosa e seng sechaba se le seng empa lichaba tsohle tsa lefatše, tsa mengoaha eohle.

Re ka utloisisa joale boholo ba mokete oa kajeno ha re o bapisa le mokete oa Paseka oa Baheberu. Ba ile ba phololosoa ka mali a Konyanae e senang le letheba: Konyana e senang letheba e hlakolang libe tsa lefatše ke Jesu Kriste.

Ba tsoile bokhobeng ba Faro 'me ba leba lefatšeng la lipallo. Nama ea Konyana, ke Sakramente ea Eukariste. Metsi a leoatle le lefubelu a ileng a khama makhotla a Faro 'me a pholosa Babeberu, ke metsi a Hlatsuo a bolaeang sebe ka ho rona 'me a re etsang bana ba Molimo. Bohle ba nang le letšoao la mali a konyana 'me ba jang nama ea eona b'a pholoha. Bohle ba hlatsuoang maling a Kriste 'me ba jang 'mele oa hae ba tla ba la bophelo bo sa feleng.

Mokete oa Paseka ke Mokete o Moholo oa nyakallo. Re hopola topollo ea rona 'me re ithabela ha re hopola hore re bana ba Molimo le majalefa a leholimo.

Thabo le monyaka li se ke tsa re lebatsa litšoanelo tsa rona. Re tšoana le Baheberu ha ba e-tsoa naheng ea Egepeta. Ba ile ba qeta nako e telele feeleng pele ba fihla fatšeng la lipallo. Le rona, leha re e-na le tšepo e tiileng ea ho ea leholimong, re tšoanetse ho tsamaea tseleng ea lona, re ntse re setse Jesu Kriste morao, re etsa thato ea hae, re mamela melao ea hae, 'me re mo lumella ho re tsamaisa.

E mong le e mong oa rona o lokela ho itokisetse mokete oa Paseka ea hae, e leng letsatsi la lefu la hae, ha a tla khahlametsoa ke Kriste, ea tla re ho eena: Mohlanka ea tšepahalang 'me ea lokileng, kena, u rue 'muso oo u o lokiselitsong haesale lefatše le thehoa."

### Bahalaleli har'a Beke

- 6 'Mesa Rufina
- 7 'Mesa Finan
- 8 'Mesa Concessa
- 9 'Mesa Dotto
- 10 'Mesa Terence
- 11 'Mesa Machai

# Lipula li thibela lipapali

## Tšeliso Thakholi

**T**se ling tsa lipapali tsa Liki ea A Division e ka Boroa le ka Leboea li ile tsa sitoa ho tsoelapele ka lebaka la mabala a neng a tletse metsi tsoete! Kamor'a ho tšoloha ha lipula tse matla mafelong a beke a sa tsoa feta. Lipapali tse sa bapalang e bile tse lipakeng tsa Swallows le FC Summit e neng e lokela ho papala Liraoheleng, Litšilo le BB Warriors, Qoaling Highlanders le Kick4Life e ileng ea qhaloa e se e qalile, le pele metsotso e mehlano e fela lebaleng la Swallows, Mazenod.

Haele lipapali tse bapetsoeng tsa A Division ke tse neng li le lipakeng tsa Rangers le CCX moo Rangers e ileng ea e hlola ka 2-1, Sehenehene ea shapa Litšehlo ka 1-0, O5 United le eona ea hlola All Aces ka 1-0, Happy Hearts ea makatsa Mzamani ka ho e pola ka phafa ea 2-1, ha Lilemela e ile ea sasara Bua-sono United

ka thupa e bohloko ea 1-0. Athe bompoli ba Nedbank Cup e leng Quthing LMPS ba bapetse ka seahlolo sa 1-1 le Lipoonono.

Ho ea ka ba Lefapha la Bolepi lipula tse ngata li ntse li lebeletsoe ho tšoloha ka matla naha ka bophara, 'me hona ho bolela hore lipapali li tla lula li chechisoa, kaha ho e-na le khaello e kholo ea mabala a boebo ba machaba. Ho bonahala bohloko ba mabala a nt-

seng a pasisoa ka le reng lihlopha tsa A Division li ka bapalla ho ona, ha pula e nele a ema metsi le ho ba le seretse se sengata. Ke mabala a fokolang haholo a boemong bo botle hore a ka sebelisoa leha lipula li e-na kapa linele ka matla.

Mohlala oa mabala ao ke la Maputsoe, Mohale's Hoek le Bambatha feela. Che moraong ona re ka kenyeletsa le ntseng le e-s'o fele ho lokisoa la Set-

soto. Ho feta mona bohloko ba mabala h'a bapalehe ho hang ha lipula li nele. Ka holimo ho tsohle ba bang ba batsamaisi ba lihlopha tsa A Division ba bontša ba le seboko ke liqeto tse etsoang ke baletsaphala tsa ho emisa lipapali li se li ntse li bapala ka lebaka la maemo a mabala. Empa ba tsebile hantle maemo a leholimo pele lihlopha li ka kena litšenyehelong tsa ho etela tse ling, e re ha li fihla

li bapale metsotsoana feela eba baletsaphala ba etsa qeto ea ho qhala lipapali tse joalo.

Puisanong le President ea sehlopha sa Qoaling Highlanders Lechesa Mokhele, o seboko haholo ke liqeto tse ileng tsa etsoa ke baletsaphala papaling ea bona le Kick4Life, eo ba ileng ba e emisa ka lebaka la maemo a neng a se matle a lebala la Swallows ka lebaka la lipula. O re o ne a ile a buisana le baletsaphala pele papali e qala, hore na ba bona eka lebala le tla bapaleha ho latela ka moo le neng le tletse metsi ka teng. Empa ba ile ba mo bolella hore papali eo e tla tsoelapele.

"Re ile ra makala haholo ha pele ho metsotso e se mekae baletsaphala ba bitsa baetapele (Captains) ba lihlopha ka bobeli, ba re papali eo e ke ke ea tsoelapele ka lebaka la lebala le tletseng metsi." O bole-tse joalo a bile a etsa tlhokomeliso ho ba tsamaisang lipapali hore ba se ke ba iketsetsa liqeto ba le bang, empa bona e le beng ba lihlopha ba ntse ba le teng ba ka 'na ba fana ka boeletsi hore ho ka tsuoa ka lekhalo lefe ha maemo a le tjena.

O re leha e se litsebi litabeng tsena tsa ho fihlela liqeto tsa hore lebala ha le bapalehe ha ho le joang, ha lipapali li emisoa ba se ba le mabaleng ba kena litšenyehelong tse ngata haholo ho boela moo ba tsoang ba sa bapala. A supa hore taba ea bohlokoa ke hore ba mpe ba tsebisoe pele ba nka maeto ho ea bapala le lihlopha tse ling, e le ho ba thusa ho qoba litšenyehelo. A tiisa hore ha hona lebaka la hore ebe papali eo ea bona e ile ea emisoa e se e ntse e bapala, ba bile ba sa batloa le boeletsi e le liqeto tsa baletsaphala le baetapele ba lihlopha.

A phethela ka hore a mang a mabaka a bakelang lihlopha mathata a maholo a lichelete, hoo lihlopha tse ling li qetellang li tsoile liking, ntle le boikhetlo ke ona a na a ho chechisoa ha lihlopha li se li le mabaleng li lokela ho bapala. "Sehlopha sa rona se lahlehela ke chelete e ngata ka mabaka a kang ana, re se re kopa kaha liqeto tsa mabala li se matleng a rona hore baletsaphala ha ba se ke ba etsa liqeto tsa ho chechisa lipapali ba le bang, re ntse re le teng mabaleng moo, re bile re ntse re bona boemo bo etsahalang. Ha ba batle boeletsi ho rona re tsebe ho thusanang." Ke eena eo.



## O loana ea khumamela

### Tšeliso Thakholi

**P**apali ea pele ea sebakali se fe kapa se fe boemong ba litlholisano tse kholo tsa bolo ea

maoto kapa tsa liki, hangata e fetoha sethala sa ho itsebahatsa le boipabolo. Ha mokoetlisi oa sehlopha sa bolo ea maoto sa basali sa Lady Bugs, Monghali Tankiso Selialia a ne a nehelana ka monyetla ho

sethibathibane se ntseng se le senyenyane haholo lilemong e leng Tebelo Khetla, o ile a loana ea khumamela lipalong tsa sehlopha sa habo sa Lady Bugs, lipapaling tse tsoa feta tsa mantšano, le hoja sehlopha sa habo se se ka sa atleha ho fetela lipapaling tsa makhaolakhang.

Khetla o hlile a qala ho iponahatsa hore e tliil'o ba sethibathibane se matla sa kajeno le kamoso, ho tloha ha sehlopha sa habo se qala ho bapala Liking ea Basali ea Region V, First Division, ea tikoloho ea Mazenod, moo a ileng a ipabola ka ho thiba libolo tse kotsi, ho fihlela sehlopha sa habo se ba se fihla lipapaling tsa mantšano tsa naha tse bapaletsoeng lebaleng la Bambatha, Maseru.

Moroetsana enoa o thibile libolo tse ngata haholo ho tloha litlholisano li qalile, tseo ba bangata ba neng ba se ba li balile kahare ho letanta. Ka hona ha e-ea ka ea eba ntho e makatsang hore le ha sehlopha sa habo se sa ka sa atleha ho fetela mokhahlelong o hlahlamang oa lipapali tsa mantšano, e be barati le batšehetsi ba bangata ba neng ba bohile lipapali tse-na, ha ba ome mathe ha ba bua ka papali ea hae e tsoileng matsoho.

Batho e ntse e le: "re thabisitsoe ke ausi enoa haholo, 'me o ne a lokela hore ebe o filoe tlotla ea ho ba sethibathibane se hloahloa sa lipapali tse-na." Ha re sheba lilemo tsa hae le tsela e ntle eo a bapalang ka eona, re tiea rea hlapanya, sena e tliil'o ba sethibathibane se matla sa Lishoeshoe le Mehalalitoe kamoso.

Lipapaling tsena tse tsoa feta esale batho ba beha matsoho melomong, ba makoetse bokhabane boo moroetsana enoa e monyenyane haholo lilemong a bapalang ka teng, e bile e ne e le lekhetlo la pele a bapala lipapali tsa liki le tsa boemo ba naha. Tsela eo a neng a fepe-la libapali tsa habo bolo ka teng le ho bua le bona nakong ea papali e bile makhetho.

Liqeto tseo aneng a li etsa nakong ea papali e ne e le tsa bohlokoa tse potlakileng moo ho hloka-halang. Leha mokoetlisi a ne a utloile bohloko ke ha sehlopha sa habo se ne se hloloa ke sa Khabisi Ladys mokhahlelong oa tse robeli tsa ho qetela, o bonahatse a khotsofetse ke boiphihlelo boo sebakali sena se bo bontšitseng. Ke eena sethibathibane sa kamoso sa naha.



# Li'a ruthuthana tsa volleyball



## Tšeliso Thakholi

**L**ihlopha tsa lehae tsa papali ea volleyball li bapetse lipapali tsa bobeli sehlopha ka seng, tsa leoto la pele la litlholisanano tsa Liki e Kholo mabaleng a Motebo oa Sesole, Makoanyane, ka la 28 Tlhakubele monongoaaha, moo lihlopha li bontšitseng kholo le boiphilohelo papaling ea volleyball.

Litlholisanong tse na tse bileng matla, tse neng li shebiloe ka leihlo le nchocho ke barati le batšehetsi ba papali ea volleyball, ke moo ka lehlakoreng la bana, sehlopha se kotsi haholo papaling ena sa Red Skins se ileng sa tlabola Mahlaseli le Green Spikes ka ho lihlabana lintlha tse tšoanang e leng 3-0 sehlopha ka seng. Rovers e ile ea bonahala e iphetotse ntekeng ngoana motšeaere ea otloang ke

bohle, ka ho khakhathoa ke LDF 3-1 le LMPS 3-1 ka tatellano.

Sehlopha sa LMPS le sona ha se'a ka sa salla morao, kaha se ile sa hlahella ka mahetla litlholisanong tse na, ka ho rabella ntle le qenehelo Rovers le Titans ka 3-1 le 3-0. Ka hona LMPS e ile ea bapala papali ea eona ea pele ea seka-makhaolakhang moo e ileng ea hlola Mahlaseli 3-0, ha Green Spikes e ile

ea tsoa ka lesobana la nale ha e ne e shapa Rovers 3-2.

Ka lehlakoreng la basali, Red Skins e ile ea itsamaela bolacha ka lihlopha tseo e neng e qothisana lehlokoa le tsona ka ho li sasara ka thupa e tšoanang ea 3-0, ntle le sehlopha sa LDF se ileng sa namolela tse ling tseo Red Skins e neng e se ikentse mohlorisi oa tsona ka ho se theola bohale ka thupa ea 3-2. Ho feta mona, Titans e ile ea ikutloisa monate ka ho sasara Mafeteng le Sweet 16 ka thupa e tšoanang ea 3-0. Haela papali ea LDF VI le Mahlaseli ha e'a ka ea tsoela pele ka lebaka la maemo a leholimo a neng a sa jese litheohlang.

Ha lipapali tse na li ka 'na tsa tsoelapele ka boemo bona bo holimo, nalane e tliil'o ipheta ea hore ha liki e fela Red Skins ka ho banna le ka ho basali e tla boela e-ba tsona tse tla emela naha litlholisanong tsa machaba, ho latela papali ea tsona e ntle. Ha ho le joalo, lihlopha tse ling tsa volleyball li lokela ho phahamela mapoqo e se re tsa aha serobe phiri e se e jele, e le hore ho tle ho bonahale hantle hore na lihlopha tse

hlileng li leng matla ke li fe tse tla tseba ho theola Red Skins maemong ao seleng ho ona a papali.

Libapali tsa Red Skins li ne li bonahala li le matla li bile li le sebete nakong eo li neng li isa ntoa bathong! Ka holimo ho tsohle ho boetse ho bonahetse e le sehlopha se seng se hatetse-pele haholo papaling ea volleyball. Ha ka lehlakoreng le leng boholo ba lihlopha tse neng li bapala le Red Skins li bonahetse li tla li se li ntse li tšohile hore li tliil'o kopana le pela lifalla, 'me ho ile hlile ha eba joalo. Re ka eletsa lihlopha tse ling ho felisa letsoalo ha li tliil'o bapala le lihlopha tse kotsi joaloka bo-Red Skins le tse ling, ho ba seo motho a lumelang ho sona ke sona seo kelello e tlang ho se etsa.

Re hloka libapali tse sebete li sa shebe hore na li bapala le lihlopha tsa maemo a fe, kaha tloaelo eo e tla etsahala leha ba bapala lipapali tsa machaba, ebe ke moo ba lahleheloang ke lipapali ka lebaka la boi le letsoalo. Re boetse re tholetsa tšehetso eo re e boneng ea barati le batšehetsi ba papali ea volleyball ba neng ba ile ho ea boha lipapali tsa bona har'a lipula tse neng li tšoloha ka matla a maholo.

# Likuena e tsosa Basotho molota

## Tšeliso Thakholi

**K**amor'a hore Sehlopha sa Naha, Likuena, se ikhapele tlhola lipapaling tsa sona le Pirates ea naha ea Seychelles, e bileng Mangaung, Afrika Boroa ka la 29 Tlhakubele monongoaaha, Basotho ba bangata ba bonahetse ba tsohile molota le ho khutleloa ke tšepo ea hore sehlopha sa bona se tliil'o sebetsa hantle lipapaling tse tlang tsa Mohope oa AFCON 2027.

Lipapali tsa mokhahlelo oa pele le oa bobeli tseo Likuena e li bapetseng le Pirates ke tsa sethathong tsa ho phunyeletsa ho leba lipapaling tsa Mohope oa Africa Cup of Nations, moo li neng li tseka ho kena mekhahlelong eo linaha li bapalanang ebe ho tla tsoa tse 16 tse tlang ho koebana, ho fihlela li fihla ho tse 'ne tse tlang ho tseka mohope.

Pejana le kamor'a lipapali tse na tse bileng matla haholo tseo e neng e le tsa pele tsa machaba selemong sena, Mokoetlisi Bob Mafoso o ile a hlalosa hore o batla a khotsofetse ke tsela eo sehlopha sa hae se bapalang ka eona, ho tloha

h'a ntse a itokisetsa tsona. A re qholotso eo ba ileng ba kopana le eona ke hore sehlopha sa Pirates boholo ba sona se bopiloe ka libapali tse ncha, 'me hone ho se bonolo haholo bo bona hore ba ka se hlola papaling ea pele, kaha ene e le hona ba ntseng ba ithuta hore se bapala ka tsela ea mofuta ofe.

A re ba ile ba ithuta tse ngata papaling ea pele, 'me ha ba se ba bapala papali ea mokhahlelo oa bobeli ho batlile ho e-ba bonolo hobane ba ne ba se ba e-na le leseli la hore ba bapala ka tsela ea mofuta ofe. "Bahlankana ba kene papaling ea pele le ea bobeli moea o le holimo haholo, empa ena ea bobeli ba batlile ba e-ba lekhatello kaha ba ne ba se ba lokela hore ba e hlole e le hore ba tsebe ho fetela lipapaling tse hlahlamang." O boletse joalo.

A qetella ka hore papali e bile ea tse ling tse matla haholo tseo ka eona ba ithutileng tse ngata tse tlang ho holisa le ho matlafatsa sehlopha.

Moetapele oa sehlopha, Sekhoane Moerane eena o itse ho tloha sethathong ha lipapali tse na li qala, moea e ne e le oa bonngoe kahare ho libapali tsa habo, ho bonahala bahlankana ba

ikemiselise ho beha naha ea habo bona 'mapeng. A re taba ena ea bonngoe le ho sebetsa 'moho joaloka sehlopha ke eona e kenyang moea oa tholo kahare ho libapali. A tholetsa le ho leboha libapali tsa habo ka

kahara linaha tse 24 tsa Afrika tse tlang ho bapala mohopeng ona oo e tla beng e le lekhetlo la pele o bapalloa linaheng tsa Kenya, Uganda le Tanzania, tse tlang ho aroloa ka mekhahlelo e tšeleng, e leng A ho isa ho

tseka Mohope oa AFCON.

Litlholisanano tse na li tliil'o tšoaroa ka la 19 Phuptjane ho isa la 18 Phupu isao. Lekhetlo la pele li ile tsa tšoareloa tikoloholo ea linaha tsa CECAFA naheng ea Ethiopia ka 1976. Bompoli



moo ba sebelitseng hantle ka teng, a re hona ke sesupo sa hore khanya e teng pele moo ho uoang.

Ka ho ikhapela tlhola, Naha ea Lesotho e tliil'o ba

F, moo mokhahlelo ka mong o tlang ho boptjoa ka linaha tse 'ne. Linaha li tla bapala ho fihlela ho sala tse 16, e be tse robeli, ebe tsa ho qetela tse 'ne tse tlang ho

ba sireletsang mohope ona ke Senegal kamor'a hore e hlole Morocco nakong e ekelitsoeng ka 1-0. Ke linaha tse robeli tse seng li hapile mohope ona.

# China e bulela Basotho



## Tseliso Thakholi

Lesotho le lokela ho tlatsetsoa ka lihlahisoa tse matlafatsang tlhahiso e leng tsa mahlale a sejoale-joale le hore lihlahisoa tsa naha e be tsa boleng bo hlokoang linaheng tsohle. Litaba tsena li boletsoe ke Thabo Qhesi ho hlaha Mokhatlong oa Private Sector Foundation Lesotho, pui-sanong le koranta ka la 31 Tlhakubele monongoaha.

O re ba thoholetsa 'muso oa China ha u bulela Lesotho monyetla oa ho isa lihlahisoa tsa lona naheng eo tlas'a sekhele sa bona sa lekhetho la mahala. A re qholotso e kholo leha ho le joalo, ke tlhahiso e fokolang e bile e se ea boemo kahar'a naha, bo sitoang ho fihlela boleng ba lihlahisoa tse hlokoang.

O re o lumela ha Basotho ba ka thusoa ka mekhoea e metle ea tlhahiso ea boleng, mekhoea e bonolo ea ho hlaha kaha hajoale batho ba sebelisa matsoho a bona ho hlaha, hoo ho ka ntlafatsa naha le kholo ea moruo.

H'a phethela o itse Basotho ke batho ba ka tsebang ho hlaha ha ba fumane thuso hore lihlahisoa li be ngata, hape ho ka qobisa Naha ea Lesotho ho iphumana e ruisa linaha tse ling ka ho isa lihlahisoa tsa bona mebarakeng ea linaha tse ling li sa tlhotloa ho lekana hore tse fumanoang lihlahisoeng tsa bona li qetelle li tsoetse naha molemo, kaha leeto le leholo e le tlhahiso

ea mesebetsi.

Litaba tsena li latela morero oa China le Lesotho oa ho matlafatsa likamano tsa khoebo ka ho kenya tšebetsong ka botlalo leano la lekhetho le sa lefelloeng, le ho tekenela tumellano ea tšebetso mabapi le thekiso ea boea ba poli le ba nku naheng ea China. Ka la 30 Tlhakubele monongoaha.

Moemeli oa China naheng ea Lesotho, Yang Xiaokun, o buile sena 'mokeng oa bo-ralitaba, moo a hlalositse litaba tsa tšebeliso tseo a bonang li ka matlafatsa kholo ea moruo le ntšetsopele ea sechaba Lesotho, ha China e ntse e itokisetse leano la eona la bo15 la lile-

mo tse hlano.

O itse lihlahisoa tsa boleng bo holimo tsa boea ba poli le nku tse tsoang Lesotho li tla kenngoa 'marakeng oa China, e le ho tšehetsa feme tseo ba nang le tsona le ho thusa ho eketsa mesebetsi naheng ena. Sena se tla etsa hore melemo ea leano la lekhetho la mahala le bonahale le ho ntlafatsa bophelo ba batho ba linaha tsena ka bobeli.

Yang o tiisitse hore China e ntse e ikemiselitse ho bula menyetla ea khoebo, e shebile tšebeliso ea nako e telele e fanang ka melemo ho mahlakore ka bobeli. O boetse a bontša hore ka selemo sa 2025, leha ho

bile le mathata, khoebo ea China e ile ea hola, ka thepa e kenang le e tsoang kantle e fihletseng boleng bo ka bang M111Trillion e leng keketseho ea 3.8%.

H'a bua ka tšebeliso ea batho ka batho (People-to-People Exchanges), o itse linaha tsena li tla matlafatsa merero e bonahalang. Thutong ea bana ba Basotho ba bangata ba tla fuaa menyetla ea ho ithuta China ka li-scholarship le lithupelo. Lefapheng la bophelo bo botle, lingaka tsa China li tla tsoela pele ho fana ka litšebeliso le mananeo ba phallela metseng.

Ho tla tsoaroa mekete ea

setso le phapanyetsano ea bonono ho matlafatsa kutloisiso lipakeng tsa linaha. Ka mecha ea litaba le bacha, ho tla khothaletsoa maeto, lipatlisiso tse kopanetsoeng le mananeo a lipuisano ho matlafatsa likamano tsa 'nete.

Ho sa le joalo, Moemeli o boletse hore haufinyane ho qaliloe selemo sa 2026 sa China-Africa sa phapanyetsano ea batho, 'me ba tla tsoela pele ho tliša mananeo a atamelang sechaba hore se une melemo ka kotloloho.

O re ba lumela hore mehato ena e tla matlafatsa setsoalle pakeng tsa China le Lesotho hore se tsoele pele melokong e tlang.

Ka lehlakoreng le leng, likamano tsa China le Lesotho li ka sebelisa limmaraka tsa machabeng le tsa lehae ho matlafatsa phapanyetsano ea setso, ho aha tšepo le ho hohela matsete.

Lifeme tsa boea ba linku le lipoli Lesotho li ntse li hola ka tšebetso ea balekane ba machabeng. Kopano ea IWTO Round Table ea 2025 e neng e tšoaretswe Maseru, e bontšitse tšebeliso ea lilemo tse 16 le balemi. Feme ena e tšehetsa malapa a ka bang 45,000, 'me qalong ea sehla sa 2025/26 e bontšitse kholo, ka theko ea boea ba linku e nyolohelang ho M233.79 ka kilo.

Merero e meholo e shebane le ho ntlafatsa mefuta ea liphoofole, ho ntlafatsa meaho ea ho kuta boea le ho fihlela maemo a machabeng bakeng sa ho bula limmaraka.

